



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

კავკასიური ტყის კატა



კავკასიური ტყის კატა

კავკასიური ტყის კატა (*Felis silvestris caucasicus*), ტყის კატის (მტაცებელი ძუძუმწოვარი ცხოველი კატისებრთა ოჯახისა) ქვესახეობა. გავრცელებულია კავკასიასა და თურქეთში. აქვს მოყავისფრო ბეწვი, მომრგვალებული თავი, მოკლე თათები და შედარებით მოკლე კუდი. მასა დაახლ. 4-11 კგ (მამალი კატა დედალზე ოდნავ მძიმეა), მამალი კატის სხეულის სიგრძეა 63-75 სმ, დედლის - 52-63 სმ. ეს ქვესახეობა ტყის კატებს შორის ყველაზე დიდი ზომისაა. კ. ტ. კ. ბინადრობს უპირატესად კავკასიაში, ზ. დ. 2500 მ-იდან 3000 მ-მდე სიმაღლეზე; სახლდება ტყის უღრან

მონაკვეთებში (უპირატესად ფართოფოთლოვან ტყეებში) და ცხოვრობს მარტოხელა. მაკეობს 63 დღე, შობს 3-4 კნუტს. ძირითადად იკვებება მღრღნელებით, პატარპატარა ფრინველებით, მაგრამ შეუძლია თავს დაესხას უფრო დიდ ცხოველებს: კურდღელს, ირემს, შვლის ნუკრს, აგრეთვე ხოხობს. კ. ტ. კ. ზოგჯერ სახლდება ადამიანის საცხოვრებლის ახლოს და თავს ესხმის შინაურ ფრინველს.
